





Ulster Museum Caird



Wut o tha Airt:

- 07 Tha Troubles
- 11 Armada
(tha Misfaur o tha Girona)
- 12 Saunts an Scholards
(Medieval Airlan)
- 15 Jeelit Tid
- 16 Leevin Warl
- 33 Tha George an Angela
Moore Gaillerie o
Ootwrocht Airt

- Culzie Shaidin
- Airt Shaidin
- Naityer Shaidin
- Historie Shaidin
- Wundae tae Oor Warl



Wud ye no hae a jeuk at
oor café an aitin hoose
oan tha grun flair?

Mine an ingang tha museum wabsteid fur
mair wittins anent oor daeins, shaw-fairs,
apenin times an brows frae tha pose.

www.nmni.com



Reenge/Tak At It/Ken tha Guid o't

Tha No Sae Weel Kent Wyce

Hereawa ye hae a clattèr o gear ye
dinnae jist rin agane ilka day – a fish
reкт extinct frae tha howes o tha say,
unco skeelie newins o glesswark an tha
blezzinin o a tum-oot. Syne mak me
ainswer – gin aabodie cums an taks a
leuk at tha No Sae Weel Kent wud it be
tha Mair Weel Kent gat?

1916 Blezzinin

Tha 1916 Blezzinin was a scrievin pit oot wi tha AirishVolunteers an Airish Citizen Airmie throch tha Aistèr Turn-oot in Airlan 'at stairtit oan 24 Aprile in 19 an 16. Tha scrievin was a testificate o Airlan's lowsin frae tha Claught Kingrick o Great Britain an Airlan. It was read oot wi Pairrick Pearse furtae mairk tha stairt o tha Turn-oot ootby tha Gentheral Poàst Oaffis (GPO) in Seckville Raa, 'at the' caa O'Connell Raa noo, in Dublin. At tha furst, fowk d'ìdnae gie tha Turn-oot (in Dublin oan Aistèr Monday 19 an 16) onie wecht ava. Thon's weel seen frae tha wye tha Ulstèr Museum fell intae this scrow o tha Blezzinin. It was skailed oan tha staps o tha GPO an raxed til tha heid o a Bilfawst consarn gaein by. Eftèr he cum bak tae Bilfawst he oaffert it til tha museum quhaniver fowk jubed oan tha sair tha turn-oot wus, an it weerin til Airish scowth.

Hae a leuk at tha 19 an 16 Blezzinin ben Tha Troubles (07).



19 an 16 Blezzinin

Twalt Cameo



Hae a leuk at tha Twalt cameo frae tha wrack o tha Girona ben Armada tha Misfaur o tha Girona (11).

Twalt Cameo

Twalt cameo frae tha wrack o tha Girona. Quhaniver tha Girona wus screenged in tha 19 an 60s, eleevin gowd an purl moonts wus fun, ilka set wi a lapis lazuli cameo kythin tha lekness o a Roman emperor. Tha cameos wud hae cleekit thegither furtae mak an unco fantoosh chain fur yin o tha offysers o tha Girona. Rabert Stenuit, 'at haed tha owerance o tha screengin at tha furst, threapit 'at thar shud hae bin a twalt furtae throch tha hale set. Eftèr anither 30 yeir, in 19 an 97, in an unco gate, a bodie dyvin cum oan tha twalt. It wus bocht fur tha Ulstèr Museum throch Tha Airt Kist.

Tha Wicklow Brooch

Yin o tha things jist new eikit tae tha museum's pose is a byous medieval brooch giftit tae tha Lede Museums Norlin Airlan wi Tha Airt Kist in 20 an 07. Tha brooch is feckit oot o kest siller an decoratit wi pookit nirls an flauchtin burds. It belongs a by-ordnar kine o an Airish brooch o tha hinnèr 9t or fore-enn o tha 10t-century. It wus wrocht furtae cleek a hap an mintit at walth an stannin. Tha mair Airish yokes fur cleekin claes wus fur ordnar daen in bronze, brooches wi pookit nirls gies wut o tha much mair siller wus aboot throch tha tid o tha Vikins. Thar's jist 25 brooches tha like o this yin tae tha fore, an tha Lede Museum Norlin Airlan haes jist tha yin mair.

Hae a leuk at tha Wicklow Brooch ben Saunts an Scholards (12)

Wicklow Brooch



Musk Ox

This by-ordnar blaud o tha Musk Oax Ovibos moschatos is namelie gat fur tha Ulstèr Museum's Jeelit Tid shaw-fair. Tha Musk Oax wud be tha biggest girsin crathur fun in tha heich airtic an wud be mair sib tae gaits an sheep nor kye. Theday, ye'll can fyn it in Greenlan, norlin Canadaw, Spitsbergen an Alaska, bot in tha fernyeirs it reengit airtic Eurairp an Rooshey. The' hae screengit tha corps o Musk Oax frae mair nor 75,000 yeir syne in tha Coontie Antrim sae ye'll can jube 'at tha crathurs maun hae been bidin a hantle fordèr sooth quhaniver tha jeelit tids wus at thair sairest. Tha sloch o tha Musk Oax is gye an thrang, makkìn a richt guid hap agin tha snell cauld o tha wuntèr. Tha airtic fowk thinks owre-ocht weel o its sloch furtae mak hats an scairves.

Hae a leuk at the Musk Oax ben Jeelit Tid (15).



Musk Oax

Coelacanth

A Coelacanth, sayed 'see-la-kanth', is an unco kine o a fish sindèrie frae onie ither yin tae tha fore theday. Fur mair nor a hunnèr yeir, fowk trowed 'at tha Coelacanth haed deed oot lang bak. Syne, in 19 an 38, seeintists wus dumfoonert tae fyn a leevin Coelacanth wus gruppit in tha howes o tha wattèr aff tha shores o Sooth Africa. The' hae fun a rowth o foassil Coelacanth, bot no in clints ablow 80 millye yeir auld, sae tha screengin o't wus a ferlie aa ower tha warl an fowk caa'ed it tha 'biological fyn o tha centurie' – aa tha yin wi fynin a leevin dinosaur. Tha Ulstèr Museum's blaud haes a wecht o 30kg an wud be 1.2 metres (4 fit) lang, an wus kep in a howe o 350 metres aff the Comoros Islans in tha Indyan Ocean in Uptober 19 an 73.

Hae a leuk at tha Coelacanth ben Leevin Warl (21).



Coelacanth

Wab o Life wi Dauvit Hye

This byous braw wus feckit wi pittin sindèrie-colort skiffers o gless ower ither throch tha blawin o tha wark at tha firin. Thae colort skiffers wus skliced athort furtae feck sindèrie heichts o shireness an color wyes. At tha hinnèr-en, tha braw wus san-blastit furtae gie it tha cast o its huil. Wab o Life wus daen wi Dauvit Hye, yin o tha heid glessmakars o Austrailye. It's a strang awnin wi tha ee o color, gleg an stourie, kythin his uise o tha Australian kintrie fur kittlin his airt. Tha mair he wus boarn in Innglan in 19 an 61, Hye warks as a pairtner tae ither gless airtists in Perth, Wastren Austrailye. Wab o Life kythes this hale-curn wye o cumin at tha gless-makkìn 'at's jist tha kine o Australian gless.

Hae a leuk at Wab o Life ben Tha George an Angela Moore Gaillerie o Ootwrocht Airt (33).



Wab o Life

Noo ye ken a weethin mair anent tha 'No Sae Weel Kent', mine an lan intae oor shap, quhaur we haud a gran walin o buiks anent a hale clattèr o sindèrie subjects frae archaeologie tae airt an naityer tae tippie claes. Forbye, we hae a yinsum blaud o jowlry, hameart airts an crafts an weans' playocks fur haein a wee screenge.



Hanbeg wi Karl Lagerfeld fur Chloe, Ware/Simmer 19 an 83.

We'd be ableeged gin ye'd tak tent 'at, oan accoot o tha wye oor shaw-fairs is aye cheyngin, an we're glein tha lenn o things tae ither museums, a wheen o tha gear at kythes oan tha caird nicht no be afore yer een throch yer veesit.

Tha No Sae Weel Kent Wyce